

Bol kwir-ni pi Lucungu ma bikelo ngol matir, ber bedo ki roco wat i lobo Uganda kulu. Poo wigi me gwoko cikke gi bot lubol kwir!



Justice and  
Reconciliation  
Project

Pi ngec ma pol madok ikom lok man peny:

**Justice and Reconciliation Project (JRP)**

Plot 50 Lower Churchill Drive  
P.O. Box 1216, Gulu, Uganda  
Tel: +256 (0)471433008

E-mail: [info@justiceandreconciliation.com](mailto:info@justiceandreconciliation.com)  
Web: [www.justiceandreconciliation.com](http://www.justiceandreconciliation.com)

JRP keme me neno ni ngol matir otimme iyo ma pe turu cik ki tic me tedero, neno ni roco wat otimme kacel ki kuc ma labinaka obedo tye i lobo wa ki but wilobo mukene. Wa keme me neno ni lutedero gudoro onyo gukati ki lok ma kwako gi malubbe ki lweny ki tim aranyi ma guwok iye ikare me lweny wek roco wat, ngol matir, kuc ki dongo lobo otimme inge lweny ma guwok iye.

## LWONGO BOT LUCUNGU PI TELA KI LUBOL KWIR:

BOLO KWIR ME NENO KI KONYO  
PEKO MAPATPAT MA DANO  
GUBEDO KWEDE MALUBBE KI  
NGOL MATIR, BER BEDO KI ROCO  
WAT IKIN DANO MA KITIMO GIN  
MARAC I KOMGI KI LUTIM BAL

Peny jo ma mito  
cungu pien:

Lapeny botgi  
aye: Miti wu  
tye kwene  
malubbe ki kuc,  
roco wat, ngol  
matir ki ber bedowa  
i lweny man?



**KWIR-NI  
PIRE TEK**



**Kero pa lucungu me kabedo  
ni ki cwakgi tye kwene  
malubbe ki roco wat, ber  
bedo ki ngol matir?**

Yer me mwaka 2011 mito kodi dano magi ki pati ma gimito neno ni kuc me labinaka obedo i kin dano me Uganda duc. Man mito ni myero ki yer Lucungu ma pe tamo pi abitimo keken ento jo ma gineno ni cac, alany ki yet ma ki keto ikom dano ikare me lweny ki nyamo.

**Kwir-ni pire tek.**

Tii kwede ki ryeko maber wek i bol kwir ki Lucungu ma gibitiyo ki cwinygi ducu ka ki yero-gi i ryom ma gimito ni me:

**1. Ngiyo ki keto ka maleng  
labongo lworu kit gin  
mokeken marac ma ki timo i  
kom dano i kare ma okato  
anged**

Iyo man, Lucungu ni myero onen ni gibitiyo me nyutu ka maleng kit gin mokeken ma ki timo marac labongo lworu onyo lenge ma bimiyo gweno tyen lok me bal ki weko ngol matir otine ikom jo ma otimo bal ilweny man; ngol matir iyo me pido onyo kot (court) kacel ki iyo me cik me tekwaro malubbe ki kodi bal magi calo mato oput wek jo ma oturu twero ikare me lweny ki mok lok i kom gi.

**2. Gunen ni giyubu ber bedo ki roco wat i kin lwak ducu me Uganda ki wacco lok ada ikom bal ma otimme**

Yer Lucungu ma mito lok ada, ma loko lok ada pi lobo Uganda Kulu ki i kin lwakgi wek timo kica, gonyo cwiny ki roco wat otimme i lobo Uganda Kulu.

**3. Gunen ni yoo me culu jo ma onongo ret onyo orwenyo jammi-gi ikare me lweny ma okato ni obedo tye**

Lucungu magi obed jo ma neno ni cul onyo gin ma gamente bi kati kwede ni oo bot jo ma kakare, me lubu kor kit cul mokeken me niang ni dano ma omyero ki culgi gungeyo maber kit gin mokeken ma tye ka timme pi culgi ki me neno ni gamente okati ki cik ma doro yub man.

**4. Gunen lok me nipo i kom jammi ma oballe onyo dano ma orwenyo kwo-gi**

Lucungu magi myero okeme me neno ni lwakgi oniang dok wigi opo pi jo ma otoo onyo owok ki i aranyi mapatpat i kare me lweny. Man

bineno ni lako cwiny ki timo kica otimme i kin lwak kekengi ki jo mukene me Uganda.

**5. Gunen lok ma dok ikom ngol matir ki roco wat pi mon, anyira ki coo**

Lucungu magi omyero onen ni gitimmo gin ducu ma twere me kwero atimo nyong onyo bal ma otimme i kom mon ki anyira ki coo macalo butu tek tek, pyedo lutino matino, loko lutino matino me doko mon pa lulweny ki nywaro onyo turu twero pa lutino ikare me lweny man. Wek jo magi onong ngol matir pi bal mokeken ma otimme i komgi.

**6. Gunen matut ni aloka loka otimme malubbe ki yoo me tela maracu ikare me lweny man**

Lucungu magi myero obed jo ma gimito neno alokaloka i yoo me tela ijang gamente ducu i yoo me juku aram, cam cana ki dic i kom lwak, wek tic pi lwak obed ma kore nen. Myero gunen ni mony pa gamente obedo mony me adaa ma woro twero pa dano dok pe jenge onyo lenge i kom ngat mokeken. Gu nen bene ni abili ki lungol kop oti ki ada, gulub cikke gi labongo ngat mo me diyo gi ikom tic-gi onyo miyo gi lenge.